

ISAAKU



The history of Isaac in Bokobaru as recorded in the Ataura, the first book of Moses, chapters 24-27.

Nɔwɛtɛna Isaakunɛ

Ibraĩ zikũ à gurɔɔnɔ kà zǎ, ben Dii aubarikadàn yǎ pingi guu. Ben à ò a zɔɓlerinɔ gběnsi kè de a pɔ pingi yǎgɔgɔri ũune à bè: Ñ ɔɔɔ ma gbáda gbaru, mé to ñ si kɔn Dii musu kɔn tɔɔtɛo Luda tɔo kè né Kanaa kè má ku n tenɔ nɔɔ se ma nenero. Ñ gá ma be busun ma danɛnɔ guu, ñ nɔɔ se ma nenɛ gwe. Ben à zɔɓleri pì à là à bè: Tó nɔgbɛ pì e we à tɛmazi à sùmao bùsu kekiiin sɔro né? Mé gá kɔn n néo bùsu kè n ɓɔnn yɔ? Ibraĩ bènɛ: Ñ laakarikɛ! Ñton gá kɔn ma néo gwero. Dii Luda Musude ma ɓɔ ma de be ma danɛnɔ busun, ben à yǎ'òme à ladà à bè é bùsu kekii kpa ma boriinɔame. Àmbe eé a Malaika zĩ à dɔnnɛ aɛ. Gwen né nɔɔ sɛn ma nenɛ. Tó nɔgbɛ pì e we à tɛnziro, n ɓɔ ladana kè n ladàmɛɛ kè guu. Ñton gá gwe kɔn ma néoro fa! Ben à zɔɓleri pì a ɔɔ sɔɔ a dii gbáda gbaru, à ladàne yǎ pì musu.

Zɔɓleri pì a dii lakuminɔ sɛ men kuri kɔn a dii auziki bori pingio, ben à fɛɛ à gàa Nao be wete zaa Siria Mesopotamia busun. Kè à kà gwe, à tò lakuminɔ kammabò lɔgɔ saɛ wete kpɛɛ. Kè uusie kè, gurɔɔ kè nɔgbɛnɔ è ɓɔɛ itɔ, ben à aduakè à bè: Dii, ma dii Ibraĩ Luda, ñ gbɛkɛɛke ma diine ñ to ma ta ke nna uusiea. Ñ gwa, má zena lɔgɔ saɛ. Tó wete nɔkparenɔ bɔɛ itɔ, nɔkpare kè má ònɛ à a loo pita à itɔme mà mi, tó à bème mà mi, ben à kpà ma lakuminɔa dɔ, ɛndɛ mé dɔ kè n gbɛkɛɛkè ma diine, nɔgbɛ kè n diɛ n zɔɓleri Isaaku pɔ ũun gwe. Èe yǎ pì o à yǎaro, ben Betueli né Rebeka bò kɔn looo dina a gǎn. Betueli né Ibraĩ vĩi Nao né kè à ì kɔn a naĩ Milikaome. Né pì maa bensɔ à lɛzime, gɔgbɛ kee e daɛo zikiro. À mò lɔgɔzi, à itò

à a loo pà, ben à liara èe taa. Ben zɔɓleri pì baalè à gàa à zɛzɛ̀nɛ à bè: Ñ ma gba í mà mi, baa fete. Nɔgbɛ̀ pì bè: Ñ mi Baa! Ben à a loo pìta gɔɔ à í kpàa à mì. Kè à í kpàa à mì à yãa, à bè: Mé to n lakuminɔne dɔ, aɔ mi ai aɔ kã. Ben à a lo'i kà pɔnɔ imibɔn gɔɔ, à liara à baalè à gàa à itɔ lɔgɔn, ben à itɔ lakuminɔne pingi. Gɔgbɛ̀ pì zena èe à gwaa tiiri, le à e à dɔ́ tó Dii é to a ta ke nna, ke eé ke nnaro. Kè lakuminɔ imì aɔ yãa, ben gɔgbɛ̀ pì vura tãnga maaa dà nɔɔ pìne a yãa, à vura zãa dàne men plaa. Tãnga pì tiisi kà giramu sɔɔro, zãa pìno sɔ giramu basɔsɔɔro. Ben à à là à bè: Ñ omɛ, dé nén n ũu? Wé ikii e n de beɔ? Ben à wèàla à bè: Betuɛli nén ma ũ, Milika kɔn Nao dio. Sɛ kɔn tagaao din wa be, ben ikii kuu dɔ. Ben gɔgbɛ̀ pì kùe à dɔnzikè Diine à bè: Dii ma dii Ibraĩ Luda aubarika ví kè èe gi gbɛ̀ke kɔn naaneo yã kenɛro yãanzi. Mapi sɔ, Dii dɔme aɛ ma dii danɛnɔ be.

Ben nɔkpare pì baalè à gàa à yã pì tɔ̀kɛ̀ a bɛdeenɔne. Rebeka pì dāgɔ́ ví kè wè benɛ Labã. À bò wete kpɛɛ kɔn bàò à gàa à gɔgbɛ̀ pì lè lɔgɔ lea, zaake à è a dāre tãnga kɔn zãao dana, ben à yã kè gɔgbɛ̀ pì òne mà. Kè à gàa à à lè kɔn lakuminɔ lɔgɔ lea, à bè: Ñ mɔ mmɔn kè Dii aubarikadàngu! À kè dia í zena wete kpɛɛ? Ma kpɛ kèkenne kɔn lakuminɔ badɔkiio. Gɔgbɛ̀ pì gɛ̀ ua, ben Labã lakuminɔ asoo pòro à sɛla kori kɔn tagaao kpàmmá à í kpà gɔgbɛ̀ pìà à a gbá pipio kɔn à gbɛ̀nɔ í pingi.

Wà pɔblee diɛnɛ, ben à bè: Mé pɔble gĩaro ai mà yã kè ma mɔo o. Ben Labã bè: Ñ o. Ben à bè: Ibraĩ zɔɓlerin ma ũ. Dii aubarika kè ma diine maamaa, ben à gɔ́ auzikidee ũ. À à

gbà sãano kɔ̃n zùno kɔ̃n kondogio kɔ̃n vuraa kɔ̃n gɔ̃gbɛ̃
zĩkerino kɔ̃n nɔ̃gbɛ̃ zĩkerino kɔ̃n lakuminɔ̃ kɔ̃n zaakinɔ̃. Ma dii
pì nã Sara nɛ̃i gɔ̃gbɛ̃ ũ a zikũ guu, ben ma dii pɔ̃ kɛ̀ à vĩi kpà
né pìà pingi. Ma dii tò ma ladà, zaake à bè m̀aton Kanaa kɛ̀ à
ku í tenɔ̃ nɔ̃ se a nɛ̃nɛ̃ro. À bè mà gá a de be a borii guu mà
nɔ̃ se a nɛ̃nɛ̃ gwe. Ben ma a dii là ma bè, tó nɔ̃gbɛ̃ pì e we à
temazi s̃oro né? À wèmala à bè, Dii kɛ̀ a taa'òo bé eé a Malaika
zĩ à gá zeme, le ma ta ke nna, mé nɔ̃ se a nɛ̃nɛ̃ a de be daneno
te. À bè tó ma gaa a borii kiia, tó wèe wero, mé bɔ̃ ladana kɛ̀
má ladàaree guu. Kɛ̀ ma ka logɔ̃ kiia gbàa ma bè: Dii, ma dii
Ibraĩ Luda, tó n we, ò to ma ta ke nna. Má ku logɔ̃ lea.
Nɔ̃kpare kɛ̀ m̀ò itɔ̃, ben ma bène à ma gba í fete mà mi, tó à bè
mà mi, ben à tò ma lakuminɔ̃ne dɔ̃, mé d̃ɔ̃ kɛ̀ nɔ̃kpare kɛ̀ í diɛ
à ke ma dii né pɔ̃ ũun gwe. Ai màgɔ̃ yã pì o ma nɔ̃se guu mà
yãa, ben Rebeka b̀ò kɔ̃n looo dina a g̃an à m̀ò logɔ̃ lea à it̀ò.
Ben ma bène à ma gba í mà mi. À a loo pìta g̃ɔ̃, à bè mà mi,
é kpa ma lakuminɔ̃a dɔ̃. Kɛ̀ má m̀i, ben à kpà ma lakuminɔ̃a.
Ben ma à là, dé nén à ũu? À bè Betueli nén a ũ, Milika kɔ̃n
Nao dio. Ben ma t̃anga dànɛ̃ a yã, ma zãa dànɛ̃ a ɔ̃ɔ̃nɔ̃a. Ben
ma kue ma d̃anzikè Dii ma dii Ibraĩ Ludane ma à saabukpà,
zaake à d̃òme aɛ zé maaa guu, le mà a dii vĩi dio se à nɛ̃nɛ̃. Tia
sa tó é we à gb̃ɛ̃ke kɔ̃n naanɛ̃o yã ke ma diine, à omɛ̃. Tó ée we
s̃oro, à omɛ̃, mé gá gu p̃andea. Labã kɔ̃n Betuelio wè̀ala wà bè:
Yã pì b̀ò Dii kiiame, wá yãke ona ṽiɔ̃, à maaa ke à zaaa.
Rebeka yɛ̃, ò à se ò tao, à g̃ɔ̃ n dii né nã ũ lan Dii ò nà. Kɛ̀
Ibraĩ ɔ̃ɔ̃bleri pì í yã̀mà, à dàe t̃ɔ̃tɛ̃ Diine. Ben à zãblebɔ̃ kɛ̀ wà
kɛ̀ kɔ̃n kondogio kɔ̃n vuraa kɔ̃n p̃ok̃asãano b̀òe à kpà Rebekaa.

À à vīi kōn à dao gbà pó ɔɔdeenɔ dɔ. Ben àpì kōn gbě kè aɔɔ kuono pɔblè aɔ imì, ben aɔ ì gwe.

Kè aɔ fèe kongo à bè: À ma gbare mà ta ma diizi. Nɔɔ vīi kōn à dao bè: Ñ to né pì gɔwao baa guro kuri, é gbasa à ta. Ben gɔgbě pì benné: Lan Dii ma ta kè nna nà lan kè bà, àton ma dādā dɔro. À ma gbare mà ta ma dii kiia. Ben aɔ bè: Wà né pì sisi wà à la. Ben wà Rebeka sisi wà à là wà bè: Né ta kōn gbě pìoo? Ben Rebeka bè: Mé tao. Ben aɔ Rebeka gbare kōn gwari kè à à gwà zaa à nengo zīo, aɔɔe taa kōn Ibraĩ zɔblerio kōn à gběno. Aɔ sa maaa ò Rebekane wà bè:

Né, ñ gɔ gbě pariino dazi ũ,

n boriino gɔ gbāa vī í zangurinɔa.

Ben Rebeka fèe kōn a nɔgbě zīkerino, aɔ dì lakumino kpɛɛ aɔɔ tɛ gɔgbě pìzi, ben à tànɔyo.

À mò à là Isaaku sù kōn lɔɔ kè wè be Ludaběekɛema'eeo à vèe Nɛgevi busun. À bò à gaa à laasuule sɛn uusie, ben kè à wɛɛsè, à è lakuminɔɔ e mɔɔ. Rebeka wɛɛsè à Isaaku è se, ben à pìta a lakumi kpɛɛ kpakpaa à zɔbleri pì là à bè: Den gɔgbě kè èe taa'oo sɛn èe mɔɔ dawale kaaa ũu? Ben zɔbleri pì wèàla à bè: Ma diime. Ben Rebeka a pɔdangān sè à kù a uua. Kè aɔ kà Isaaku kiia, zɔbleri yā kè à kè tɔkène pingi. Isaaku gè kōn Rebekao a da Sara bisakutaan, ben à à sè à gɔ à nɔɔ ũ. À ye nɔɔ pìzi, ben à laakarikpaena a da gaa gbera.

Ibraĩ gaa

Ibraĩ nɔ pānde sè dɔ à tɔn Ketura. Né kè à ìono tɔn ye: Zimara, Yɔkɔsā, Mɛdā, Midiā, Isibaki, Sua. Yɔkɔsā bé à Seba

kõn Dedão ì. Dedã boriinɔn Asunɔ kɔn Letusinɔ kɔn Leuminɔ ũ. Midiã negɔgbɛnɔ tɔn ye: Efa, Efa, Anɔku, Abida, Elɛda. Aɔ pingi Ketura boriinɔme.

Ibraĩ a auziki kpà Isaakua pingi, ben à gbadà a nɔ yigisai nenɔne à í gbáe ɔfántɛbɔe kpa le à kpe à ga, le aɔtongɔ ku kɔn Isaakuoro yānzi.

Ibraĩ kè wɛ bakɛndo ɔɔrosai, ben à gà. À zikũ kotokoto, gbasa à kà a gbɛnɔla gewāa. À nenɔ Isaaku kɔn Sumailao à vīi Makpela gbewɛɛ guu, Mamare ɔfántɛbɔe kpa, buraa kè de Iti bori Zoa né Eflɔnu pɔ ũ yā kè Ibraĩ pì lù Itinɔa. Gwen wà à vīin kɔn a naɔ Sarao. Ibraĩ gana gbera Luda aubarikadà à né Isaakun. À vɛɛna Ludabɛɛkɛema'ee lɔgɔ saɛ.

Sumaila boriinɔ

Ibraĩ né Sumaila boriinɔ yān ye. Sara zīkeri Agyara, Igipiti nɔgbɛ bé à né pì ìo. Sumaila negɔgbɛnɔ tɔn ye lan wà í ná. À daudu tɔn Nɛbayo. À dāaronɔ tɔn ye: Keda, Adabeli, Mibisamu, Misima, Duma, Masa, Adada, Tema, Yetu, Nafisi kɔn Kedemao. Sumaila negɔgbɛnɔ tɔn gwe. Aɔ baade a tɔkpà a lakutu ke a bùranɛ. Aɔmbe à bori kuri awɛɛplaaanɔ kinanɔ ũ.

Sumaila kè wɛ baswɛedo akuri awɛɛswɛɛplaa, ben à gà à kà a gbɛnɔla gewāa. À boriinɔ vɛɛ zaa Avila ai à gàa pe Surua, Igipiti ɔfántɛbɔe kpa gana Asiria bùsu kpa. Aɔɛ kɔ te kpakpa kɔn Ibraĩ bori kpaaanɔro.

Isau kɔn Yakubuo ina

Ibraĩ né Isaaku boriinɔ yān ye. Ibraĩ Isaaku ì. Kè Isaaku kà wɛ baplaa, ben à Labā dāre Rɛbeka sè. Àmbe Siria bùsu gbɛ

Betueli kè bò Mesopotamia busun né ũ. Isaaku weekè Diia a naõne, zaake pãame, ben Dii à adua sì, à naõ pì nɔ̀sì. Sikanɔ̀ e ɔ̀si kaa à gbɛɛn, ben à bè: Bɔ̀yānzi yā beee taka ma lezi? Ben à gàa à Dii là. Dii bène:

Bori men plaaa ku n ne'ison,
gɔ̀ɔn plaaa kè aɔ̀ ku n gbɛɛn pìnó é kēkōa.
Bori men doo gbāaa égɔ̀ de a doola,
à kè bò kaaku égɔ̀ zò né ũ zāane.

Kè à ne'igurɔ̀ kà, ben à sikano ì gɔ̀gbēno ũ. Kè gbē kaaku e bɔ̀, à bò tēe zonzon. À mekā vī lan uta kādee bà, ben wà tɔ̀kpàne Isau. Beee gbera kè né plaadee e bɔ̀, à dò Isau gbatogea, ben wà tɔ̀kpàne Yakubu. Isaaku wē baaagɔ̀dee guun à né pìnó ì.

Né pìnó bita kũ. Isau kè tofekari gbāaa kè è kē sētɛaroo ũ. Yakubu sɔ̀ begwarime. Isaaku ye Isauzi kè à nɔ̀bɔ̀ lóu vī yānzi. Rɛbeka sɔ̀ ye Yakubuzi.

Zīkea Yakubu e dò kukuu, ben Isau sù kɔ̀n sētɛo nɔ̀aa e à dɛɛ. Ben à bè Yakubune: N yā nna! Ñ to mà dò tēa beee ble, zaake nɔ̀aa e ma dɛɛme. Beee yānzi wà tɔ̀kpà Isaune ɛ̀dɔ̀mu. Yakubu bè: Ñ n daudukeze kpama gĩa. Ben Isau bè: Má ku gaa lezĩ, bɔ̀n ma daudukeze é kemɛɛ? Ben Yakubu bène: Ñ luseme gĩa. Ben à lusène à a daudukeze kpàa. Ben Yakubu buredi kpàa kɔ̀n blado pìo. À blè à imì, ben à fèe à bò. Lɛme Isau kè le, à a daudukeze diè pā.

Isaaku kōn Abimelekio

Dekaa kà bùsu pìn à kaakupɔ kè kà Ibraĩ gurɔɔ baasi, ben Isaaku fɛɛ à gàa Filisitinino ki Abimeleki kiia Gera. Ben Dii bò à m̀̀zi à bè: N̄ton ta Igipitiro, n̄ v̄ɛ guu kè mé onnɛn. N̄gɔ ku bùsu kekiin gĩa, mégɔ kunyo mà aubarika kenne. Mé bùsu kekii kpamma pingi kōn n boriino, mé lù kè má sè n dene papanne. Mé n borii kaara lan sɔsɔnɛnɔ bà, mé bùsu kekii kpammá pingi. Borii kè aɔɔ ku tɔɔtenɔ é aubarika e n borii gāzĩ n̄ pingi kè Ibraĩ ma yāmà yānzi. À ma ɔɔkii gwà, ben à yā kè má diɛnɔ kūna kōn ma yādannenano kōn ma dokayānɔ.

Ben Isaaku gɔ̄ Gera. Kè wetɛ pì deenɔ e à laa à naɔ yā musu, à bè a dāremɛ. Èɛ v̄iakɛɛ, zaakɛ èɛ daa tó à bè a naɔmɛ, weé a de nɔɔ pì yānzi, zaakɛ nɔɔ pì né nɔ maaamɛ. Kè a gurɔplaa kè gwe, Filisitinino ki Abimeleki weɛkpàɛ windo guu, ben à è Isaaku e bōndagaa kōn a naɔɔ. Ben à Isaaku sìsi à bè: Ase n naɔmɛɛ! À kè dia n bè n dāremɛ? À wèàla à bè: M̄ɛɛ kpakpaa weé ma de à yānzime. Abimeleki bè: Bó yā n̄ kèwe lee? Fete bé à gɔ̄ kè wa gb̄ɛke é daɛ kōn n nɔɔ pìò, lɛ n̄ wa da taarin. Ben Abimeleki gb̄ɛnɔ swā sùkānné pingi à bè: Gb̄ɛ kè ɔkè gɔgb̄ɛ pìà kōn à naɔɔ, weé à de.

Isaaku pɔt̄s̀ bùsu pìn, ben à pó è w̄ɛ beeeɛ lɛo basɔɔro, kè Dii aubarikadàn yānzi. À kàara, à auziki e kaara ai à kè auzikide bita ũ. À s̄aano kōn zùnɔ v̄i pari kōn zɔnɔ, ben Filisitinino zàn. Ben aɔ lɔgɔ kè à de Ibraĩ gb̄ɛnɔ ȳɔ a gurɔɔano tàta bùsuo pingi. Ben Abimeleki bè Isaakune: N̄ fɛɛ wa kiia, zaakɛ n̄ gbāaa dɛwala maamaa.

Ben Isaaku bò gwe à bùra kàe Gera guzuren, ben à gurɔplaa kè gwe. Lògɔ kè wà yɛ̀ à de Ibraĩ gurɔɔa ben Filisitininɔ̀ tàta à de gaa gbɛraanɔ̀n à èara à bɔ̀bɔ̀ à tɔ̀ dɔ̀nkɔ̀ kè a de kpànné yāanɔ̀ kpànné dɔ̀. Isaaku zɔ̀blerinɔ̀ logɔ̀ pānde yɛ̀ guzurè pìn, ben aɔ̀ bò í maaaa. Ben Gera pɔ̀dārinɔ̀ sweekè kɔ̀n Isaaku pɔ̀dārinɔ̀ wà bè: Wa ímɛ. Ben à tɔ̀kpà logɔ̀ pìnɛ Swèe, kè aɔ̀ sweekèò yānzi. Aɔ̀ logɔ̀ pānde yɛ̀, ben wà sweekè logɔ̀ pì yā musu dɔ̀, ben à tɔ̀kpànɛ Ibɛtɛ. À bò gwe, ben à logɔ̀ pānde yɛ̀ dɔ̀, aɔ̀ɔ̀e sweekè à yā musu dɔ̀ro. Ben à tɔ̀kpànɛ Mèporokii, zaake à bè: Dii tò wa mè pòro, wé dagula sa.

Beee gbɛra à gāa Bɛsɛba. Dii bò à m̀zi gwāavĩ beeeà à bè: Mambe n de Ibraĩ Luda ũ, ònton vīakero, zaake má kunyo. Mé aubarika kenne mà n borii kaara ma zɔ̀bleri Ibraĩ yānzi.

Gwen à sa'okii bòn à Dii sìsi. Ben à bùra kàe gwe à gbēnɔ̀ e logɔ̀ yɔ̀ɔ̀. Ben Abimɛlɛki bò Gera à m̀ Isaaku kiia kɔ̀n a kpàasi Auzao kɔ̀n a zĩkpɛenɔ̀ gbēnsi Fikɔ̀luo. Isaaku ní la à bè: Kè a zamagu a pɛma a bɛ, à kè dia a mɔ̀ ma kiia? Aɔ̀ wèàla wà bè: Wá è Dii kunyo, ben wa bè à maa wà lɛdole kɛ wà lusekɔ̀nɛ à yā musu kè né yā zaa ke kɛwero, zaake wée weetāmmaro. Yā maaan wá kenne wa n gbare aafia, ben Dii aubarika kenne. Ben Isaaku ní yaarikè, aɔ̀ pɔ̀blè aɔ̀ imì. Kè aɔ̀ fèe kɔ̀ngɔ̀, aɔ̀ lusekɔ̀nɛ, ben Isaaku zènné, aɔ̀ bò à kiia aafia. Zĩ beeeà Isaaku gbēnɔ̀ m̀ wà logɔ̀ kè aɔ̀ yɛ̀ yā'òne wà bè: Wa í è. Ben à tɔ̀kpànɛ Seba. Beee yānzin wè wetɛ̀ pì sisi Bɛsɛba ai kɔ̀n a gbāao.

Kè Isau kà wě baplaa, à Iti ɲɔɔ sè mɛn plaa, Beri né Yudi kɔ̃n ɛlɔni né Basemao. Isaaku kɔ̃n Rebekao ɲɔsɛ ègɔ̃ yakana n̄ yānzime.

Isaaku sa'olekena Yakubune

Isaaku zikũ à wée gbāa dɔro, èe guu'ee maaro. Ben à a daudu s̄isi à bè: Né! Ben à wèàla à bè: Mae kè. Isaaku bè: Ma zikũ má a gagurɔɔ dɔro. Ñ n sá se kɔ̃n n gbàrao ñ gá ñ ɲɔbɔs̄ɛte wetɛmɛ. Ñ ma pɔyezi dò kuku ñ mɔome mà ble, mé sa'ole kenne le mà kpe mà ga.

Rebeka yā kè Isaaku ò Isaune pì mà. Kè Isau f̄ɛɛ à gàa tofeka, ben à gàa à ò Yakubune à bè: Má mà n de yā'ò n v̄iine à bè à gá à ɲɔbɔ deare à a pɔyezi dò kukuoare à ble, é sa'ole kene kɔ̃n Dii too le á kpe à ga. Ben Rebeka èara à bène: Ñ ma yāma ñ yā kè má dānnɛɛ kɛ. Ñ gá blè kpàsa guu ñ blène maaa kũ mɛn plaa ñ suo. Mé n de pɔyezi dò kukune, né gáone à ble, eé sa'ole kenne le à kpe à ga. Ben Yakubu bè a dane: Ma v̄ii mekā v̄i, ben ma mè pɔɔpɔɔɔ. Tó ma de ɔk̄ema, tó à ma d̄ɔ, eé be mée a kɛɛ pāpāme, eé lekeme sa'ole ḡɛɛ ũ. Ben à da bène: Luda to lekennannɛɛ pì ḡɔme. Ñ ma yāma dé! Ñ gá ñ de ñ suome.

Ben Yakubu gàa à blè p̄inɔ dè à s̄uò a dane, ben à à de pɔyezi dò kùkune. Ben à a daudu pɔkāsā maaa kè ku a kpe guuno sè à dà a né sabideene. À blène báa p̄inɔ f̄ifi à ɔɔɔɔa kɔ̃n à waa pɔɔpɔɔɔɔ. Ben à dò kɔ̃n buredi kè à kèò kpàa.

Yakubu gàa a de kiia à bè: Baa! Ben à de bè: Mae kè! Ma né kpareemɛ? Yakubu wèàla à bè: Mambe Isau n daudu. Lan n̄

òme nà, má kè le. Ì fẹẹ ì vẹẹ ì ma ọ̀zĩ ble le ì sa'ole kẹmẹ.
Ben Isaaku bè a nẹnẹ: O'o! Í è kòò? À wẹ̀àlà à bè: Dii n Luda
bé à ma ta kè nna. Ben Isaaku bènẹ: Ì sọ́mazi mà ọ́kemma le
mà dọ́ tó ma né Isaume yāpura. Yakubu sọ́ a dezi, ben à ọ́kẹ̀a à
bè: Kòto kẹkii né Yakubu kotomẹ, ọ́ kẹkii sọ́ Isau ọ́omẹ. Ben
èè à dọ́ro, kè à ọ́nọ kǎ vī lan Isau pọ́ bà yānzi. À yezi à sa'ole
kẹnẹ, ben à à là gĩa: Ma né Isaun n ũ yāpura? À wẹ̀àlà à bè:
Mambee! Ben à bè: Ì pọ́ kpama mà n ọ̀zĩ ble, mé sa'ole kẹnnẹ.
Kè à diẹnẹ, ben à blẹ. À mọ́nẹ kọ́n wẹ́ẹo, à mì dọ. Ben à de pì
bènẹ: Ì sọ́mazi ì lẹpẹma. Ben à sọ́zi à lẹpẹa. Kè Isaaku à
pọ́kāsāano gūu mà, ben à sa'ole kènẹ à bè:

Ma né gūu de

lan buraa kè Dii aubarikadàn bà.

Luda n gba mọ́dọ bọ́na musu,

à n gba tọ́tẹ maaa.

Blewẹẹ kọ́n geepiwẹ́ẹo égọ́ dinzi.

Gbẹ́nọ é zọ́blenne,

boriino é kue n aẹ,

négọ́ de n gbẹ́nọ dii ũ,

n da nẹnọ é kuenne.

Luda é leke gbẹ́ kè aọ́ lekènnẹnnẹnẹ,

eé aubarikada gbẹ́ kè aọ́ sa maaa ònnẹnnẹn.

Kè Isaaku sa'ole kè Yakubunẹ à yǎa, ben Yakubu gù à
kiia. Kè à vīi sù kọ́n tofekao gọ́ọ, ben à pọ́blee kè a denẹ dọ à
gàaonẹ, ben à bènẹ: Baa! Ì fẹẹ ì ma ọ̀zĩ ble ì sa'ole kẹmẹ.
Ben à de à là à bè: Mbe dé ũu? À wẹ̀àlà à bè: Mambe n daudu
Isau. Yǎ pì Isaaku swẹ́ zọ́ èè lugalugaa à bè: Dé bé à nọ́bọ dẹ à

mòome yã ai ñgõ gá su má sò? Ma sa'ole kène kò, àmbe eé aubarika e. Kè Isau a de yã pì mà, à pùtã à ́ gbãaa dò à kè wẽnda, ben à bè: Baa! Ñ sa'ole keme dɔ. Ben à bè: N dāaro mò kōn ñndōo à n sa'ole sì kò. Ben Isau bè: À tɔn Yakuburoo? À ma keke à kè gẽn plaan gwe sa. À ma daudukeze sìma yã, ben à ma sa'ole sìma tia dɔ. Mé sa'ole e dɔroo? Isaaku wèàla à bè: Ma à diè n dii ũ, ma à danenɔ kè à zɔblerinɔ ũ n pingi, ma blewɛ kōn geepiwẽɛo kpàa. Bɔn mé e mà kenne dɔo? Isau bè a denɛ: Baa, sa'ole beeen n vĩ adoo? Ñ sa'ole pānde keme dɔ Baa. Ben Isau wii gbãaa lè. Ben à de wèàla à bè:

Tɔɔte kè ñégõ kun égõ maaro,
mɔdɔ é bɔnne zaa musuro.
Ñégõ fẽeda kūna,
né zɔble n dāaronɛ.
Leme dɔ n laakari é gõ kpaenaro,
né à gbóngo gonla.

Isau ibete sè kōn Yakubuo sa'ole kè à de kène yānzi, ben à bè a nɔse guu: Ma de gaa zāro, gbasa mé ma dāaro de. Wà yã kè Isau ò kɔɔmɔtɔ kè Rɛbɛkanɛ, ben à Yakubu sisi à bè: Isau yezi à gẽebomma à n de. Ñ ma yāma sa. Ñ fɛɛ n baale n gá ma dāgõ Labā be zaa Arana ñgõ kuo gwe gĩa ai n vĩ pì pɔfẽ kpaɛ. Tó à nɔse kpàɛ, tó yã kè n kène sǎn, mé gbẽ zĩ wà n gbɛ sé. Má yezi mà kora a gōɔn plaaanɔzi pingi guro doro.

Ben Rɛbeka bè Isaakunɛ: Iti nɔgbẽnɔ nii bɔmagu. Tó Yakubu Iti nɔɔ sè bùsu kɛkiin lan Isau nɔgbẽ beeenɔ bà, ma kuuna égõ nname dɔro.